

PROBLEMS AND SOLUTIONS IN TEACHING PRE- CONFERENCE PREPARATION

Zayniddinov Samariddin Bakhriiddinovich
Teacher of the Department of
General Education of the Tashkent Academic Lyceum

Abstract

This article discusses the problems and solutions encountered in the training of pre-service training, in which the aim is to instill in our youth a spirit of patriotism and correctly convey to them that it is honorable to fulfill their duty, and to prepare them to overcome the difficulties encountered.

Keywords: Pre-service training, problems and solutions, duty, people, state, education, ability.

Introduction

CHAQIRUVGA QADAR TAYYORGARLIKNI O‘QITISHDA UCHRAYDIGAN MUAMMO VA YECHIMLAR

Zayniddinov Samariddin Baxriiddinovich
Toshkent akademik litseyi
Umumta’lim fanlari kafedrası o‘qituvchisi

Annotatsiya

Ushbu maqolada chaqiruvga qadar tayyorgarlikni o‘qitishda uchraydigan muammo va yechimlar haqida so‘z yuritilgan bo‘lib, bunda yoshlarimizni vatanparvarlik ruhida tabiyalash va ularni xizmat burchini bajarish sharaflı ekanligini to‘g‘ri anglatish, uchraydigan qiyinchiliklarni yengib o‘tishga tayyorlashdir.

Kalit so‘zlar: chaqiruvga qadar tayyorgarlik, muammo va yechim, xizmat burchi, xalq, davlat, ta’lim-tarbiya, qobiliyat.

Аннотация

В данной статье рассматриваются проблемы и решения, возникающие в процессе подготовки кадров для будущих специалистов, цель которой – привить молодежи дух патриотизма и правильно донести до них, что исполнение долга является почетным делом, а также подготовить их к преодолению возникающих трудностей.

Ключевые слова: подготовка кадров для будущих специалистов, проблемы и решения, долг, люди, государство, образование, способности.

Abstract

This article discusses the problems and solutions encountered in the training of pre-service training, in which the aim is to instill in our youth a spirit of patriotism and correctly convey to them that it is honorable to fulfill their duty, and to prepare them to overcome the difficulties encountered.

Keywords: Pre-service training, problems and solutions, duty, people, state, education, ability.

Kirish

Mamlakatimizda voyaga yetgan yigitlar borki, ularning barchasi o'z burchlarini bajarib, harbiy xizmatga borishni xohlashadi. Harbiy xizmatni tanlaganlarning aksariyati harbiy ta'limga ixtisoslashgan universitetlarda talaba bo'lishni orzu qiladi. Natijada, bizning butun armiyamiz asta-sekin shakllantiriladi.

Armiya – bu ko'p qirrali davlat taqdirini, uning ichki barqarorligini, zamonaviy dunyoda tutgan o'rni va rolini belgilaydigan davlat mexanizmlaridan biridir. Qurolli Kuchlar davlatning hududiy yaxlitligini va fuqarolarning tinch hayotini ta'minlaydi. Harbiy islohotlar sharoitida Qurolli Kuchlar yangi sifatga ega bo'lmoqda. Bizning armiyamizda tarkibiy o'zgarishlar yuz berdi va "Mudofaa Doktrinasi" uni sifat va intellektual ustuvorliklar asosida rivojlantirishga yo'naltirilgan. Shu munosabat bilan bugungi kunda Vatanimizning har bir askaridan aniq masuliyat, yuqori vatanparvarlik tuyg'usi, harbiy burchini vijdonan bajarish va shaxsiy javobgarlik hissi talab qilinadi.

Asosiy qism

Harbiy-jangovar tayyorgarlikni a'lo darajada ushlab turish, jangovar mahoratni oshirish, tartib va intizomni mustahkamlash har bir vatan himoyachisining mamlakat mudofaa, qobiliyatini ta'minlashdagi hissasi hisoblanadi. O'zbekiston Respublikasi Qurolli Kuchlari oldidagi yuksak va mas'uliyatli vazifalarni faqat sog'lom, jismonan baquvvat va bardoshli, aqlan shakllangan, yuksak axloqiy va jangovar fazilatlarga ega, mamlakatni himoya qilishda vatanparvarlik va fuqarolik burchlarini bajarishga tayyor bo'lgan shaxsgina bajara oladi.

Xalqning umumiy harbiy ruhini ko'tarishda, harbiylarni matonatli, shijoatli qilib tarbiyalashda ajdodlarimizdan bizga meros qolgan harbiy bilimlarni ommalashtirish, harbiy san'at sirlarini harbiy o'quv yurtlarida o'qitish ham samarali omillardan hisoblanadi. Har bir chaqiriqqacha bo'lgan yoshni tarbiyalar ekanmiz avvalambor biz ushbu yoshlarning siyosiy ongini boyitib borishimiz kerak bo'ladi. Bu borada biz davlatimiz tarafidan chiqarilayotgan qonun va qoidalarga asoslanamiz. O'zbekiston Respublikasining

bir qator qonun va qoidalari mavjud bo'lib, ushbu qonun qoidalarga asosan me'yoriy hujjatlar yuritilmoqda. Masalan bulardan: Konstitutsiya, Umumiy harbiy majburiyat va harbiy xizmat to'g'risidagi qonun, Mudofaa to'g'risidagi qonuni va Qurolli kuchlar nizom va qonunlarini asos sifatida olsak bo'ladi.

Yoshlarimizni vatanparvarlik ruhida tabiyalashda umumta'lim maktablari va o'rta maxsus, kasb-hunar ta'lim muassasalarida chaqiruvga qadar boshlang'ich tayyorgarlik fanini o'qitilishi asosiy omillardan sanaladi. Mudofaa vazirligining oliy harbiy ta'lim muassasalariga kirib ta'lim olish va Qurolli Kuchlarimizning barcha harbiy xizmat turlarida harbiy xizmatga tayyorgarlik ko'rayotgan yoshlarimizning umumta'lim maktablar va o'rta maxsus, kasb-hunar ta'lim yurtlaridagi chaqiruvga qadar boshlang'ich tayyorgarlik jarayonida kerakli ta'lim-tarbiyani oladilar va o'zlarini qiziqtirgan ma'lumotlarga ega bo'ladilar.

Bunday ta'lim – tarbiya jarayonini umumta'lim maktablari va o'rta maxsus, kasbhunar ta'lim muassasalarining pedagogik jamoasi bilan harbiy rahbar va chaqiruvga qadar boshlang'ich tayyorgarlik fani o'qituvchilari hamkorlikda amalga oshirishlari shart. Shunday ekan o'z-o'zidan bunday dolzarb vazifalarni bajarishda pedagogika universiteti qoshidagi harbiy fakultetlar jamoasining harbiy rahbar va chaqiruvga qadar boshlang'ich tayyorgarlik fani o'qituvchilarini tayyorlash bo'yicha o'z majburiyatlari va vazifalarini sifatli bajarishlari alohida e'tiborga molikdir.

Chaqiruvga qadar harbiy ta'limni tashkil qilish va uning metodikasi fanini o'qitilishida, Qurolli Kuchlarimizda olib borilayotgan islohotlar strategiyasini tub mohiyatini chuqur anglagan holda, eng zamonaviy o'qitish uslublaridan va ta'lim texnika vositalarini eng so'ngi ishlab chiqilgan rusumlaridan foydalanish, shuningdek, tez o'zgarib borayotgan zamonamizning yangi-yangi talablarini nazardan chetda qoldirmasligimiz shart bo'ladi.

Chaqiruvga qadar harbiy ta'limni tashkil qilish va uning metodikasi talabalarning maxsus harbiy tayyorgarligining asosiyalaridan biri hisoblanadi. Bu fan "Chaqiruvga qadar boshlang'ich tayyorgarlik fani" metodikasining tarkibiy qismi sifatida davlat imtihoniga kiritiladi. Maxsus fanlarni o'qitishdan asosiy maqsad- talabalarda harbiy-pedagogik tayyorgarlikni yuksaltirish va chaqiruvga qadar boshlang'ich tayyorgarlik fani bo'yicha mashg'ulotlarini o'tkazishda amaliy ko'nikmalar hosil bo'lishiga qaratiladi.

O'zbekiston Respublikasining "Umumharbiy majburiyat va harbiy xizmat to'g'risida"gi qonun talablari, Yoshlarni chaqiruvga qadar boshlang'ich tayyorgarligi bo'yicha nizomi, Mudofaa vazirligining buyruqlari va direktivalarini, chaqiruvga qadar boshlang'ich tayyorgarlikni tashkil qilish va olib borish, o'quvchi yoshlarni vatanparvarlik tarbiyasi ishlarini, O'zbekiston Respublikasi Qurolli Kuchlari safiga xizmatga tayyorlash bo'yicha masalalarni, chaqiruvga qadar boshlang'ich tayyorgarligi bo'yicha o'quv jarayonini rejalashtirish tamoyillarini, ta'lim muassasalarida chaqiruvga qadar boshlang'ich tayyorgarlik fani dasturining barcha bo'limlari bo'yicha mashg'ulotlarni tashkil qilish va olib borishda yangi pedogogik texnologiyalarni qo'llashni, zamonaviy o'quv texnika vositalaridan foydalana bilishi, ta'lim muassasasi boshlig'i va Chaqiruvga qadar

tayyorgarlik o'qituvchisining majburiyatlarini, hamkorlikda bo'lgan tashkilotlar bilan aloqa shakillarini, chaqiruvga qadar boshlang'ich tayyorgarlik fani bo'yicha o'quv - moddiy bazaga qo'yiladigan talablarni bilishlari va ularni amalda qo'llay olishlari uchun yetarli ilm-malaka va ko'nikmalar berishdan iborat.

O'quvchilar ta'lim olayotganlarida o'zlarida harbiy rahbarning O'zbekiston Respublikasi Qurolli Kuchlari safiga xizmatga tayyorlash masalalari bo'yicha majburiyatlarini bajarishida zarur bo'lgan siyosiy, ahloqiy, ruhiy tayyorgarliklari yuqori bo'lishi va Vatan himoyachisi sifatlarini mujssamlashtirishlari shart. Hozirgi kunda Qurolli kuchlarimiz tarkibidagi harbiy qism va bo'limmalarni puxta bilimga ega bo'lgan shaxsiy tarkib bilan to'ldirish, uning siyosiy, manaviy, axloqiy ruhiy vatanparvarlik tarbiyasiga alohida e'tibor berish muhim shartlardan biri hisoblanadi.

Shaxsiy tarkibning yuqoridagi qayd etilgan sifat va fazilatlarini shakllantirishni, tarbiyalashni faqat harbiy kadrlar tayyorlash bilim yurtlari, qism komandirlarning vazifasi deb hisoblash to'g'ri bo'lmaydi. Ma'lumki armiya safida o'z bo'ysunuvchilarining faoliyatlariga komandir va boshliqlar ma'suldirlar. Lekin sifat va fazilatlarini shakllantirishga kelganda armiya safigacha bo'lgan ta'lim tarbiya o'rnining ahamiyati katta. Umumta'lim maktablari, o'rta maxsus va kasb-hunar ta'lim muassasalarida chaqiruvga qadar tayyorgarlik fanini sifatli va samarali o'qitilishini ahamiyati bu borada muhim. Birinchi Prezidentimiz I.A.Karimov ta'kidlaganidek "Yosh avlodni el-yurtga, vatanga sadoqatli, iymon e'tiqodli, mard va jasur, yuqori malakali, ma'naviyati yuksak insonlar qilib tarbiyalashda ta'lim o'choqlarining alohida o'rni bor". Ta'lim o'choqlaridan umumta'lim maktablarida, o'rta maxsus va kasb-hunar ta'lim muassasalarida "Chaqiruvga qadar tayyorgarlik"ni o'qitilishi haqida "umumiy harbiy majburiyat va harbiy xizmat to'g'risida"gi qonunning 13-moddasida quyidagicha yozilgan: "Chaqiruvga qadar boshlang'ich tayyorgarlik, shu jumladan fuqaro mudofaasi bo'yicha tayyorgarlik o'quv dasturidagi majburiy fan bo'lib, umumta'lim muassasalarida chaqiruvga qadar tayyorgarlik fani o'qituvchilari tomonidan bitirish yili arafasidagi kurslardan yoki sinflardan boshlab o'tiladi".

Bundan tashqari ushbu ustuvor vazifalar O'zbekiston Respublikasining "Kadrlar tayyorlash milliy dasturi", "Mudofaa to'g'risida"gi qonunlarida va O'zbekiston Respublikasi Mudofaa Vazirligining buyruq va talablarida ham o'z ifodasini topgan. Ko'rinib turibdiki 1999 yil yanvaridan e'tiboran Qurolli kuchlarda boshlangan harbiy islohotlar strategiyasining nazarda tutgan, mamlakatimiz tinch, osoyishtaligini ishonchli va samarali himoya qilishga qodir tezkor, yaxshi ta'minlangan qurolli kuchlarni tuzish maqsadini amalga oshirish faqat oliy harbiy ta'lim muassasalarining vazifasi deb o'ylash, masalaga faqat bir tomonlama qarashdir. Bu borada chaqiruvga qadar boshlang'ich tayyorgarlik muhim ahamiyat kasb etadi.

Xulosa

qilib shuni aytish mumkinki, xalqimizning harbiy ruhini ko'tarishda, harbiylarni matonatli, shijoatli qilib tarbiyalashda ajdodlarimizdan bizga meros qolgan harbiy bilimlarni ommalashtirish, harbiy san'at sirlarini harbiy ta'lim muassasalarida o'qitish ham samarali omillardan hisoblanadi.

Foydalanilgan adabiyotlar:

1. O'zbekiston Respublikasi konstitutsiyasi . T.: 2018 y. 83 b.
2. O'zbekiston Respublikasining "Ta'lim to'g'risida"gi qonuni. 2020 y.
3. O'zbekiston Respublikasining "Mudofaa to'g'risida"gi qonuni.2018y.
4. Vatanni himoya qilish – bu muqaddas burch. T.: O'zbekiston. 2001-yil
5. H. Jo'rayev. Yoshlarni chaqiruvga tayyorlash. T.: "Sharq", 2014-yil.